

杜
工
部
集

杜工部集卷之十五

虞山蒙叟錢

謙益

箋註

近體詩一百四十三首

居業州作

偶題

前半論及李後
半似時還音他
層次過脉挽合
之妙

文章千古事。得失寸心知。作者皆殊列。名聲豈浪垂。
騷人嗟不見。漢道盛於斯。前輩飛騰入。餘波綺麗爲。
後賢兼舊列。云制一云利別本作例歷代各清規。法自儒家有。心從
弱歲疲。永懷江左逸。多病一作謝鄴中奇。騷驥皆良馬。騏
驎帶好兒。車輪徒已斲。堂構惜一作肯仍虧。漫作潛夫論。
虛傳幼婦碑。一作詩緣情慰漂蕩。抱疾履遷移。經濟慚長
策。飛棲假一枝。塵沙傍蜂蠆。江峽繞蛟螭。蕭瑟唐虞

遠聯翩楚漢危聖朝兼盜賊異俗更喧卑鬱鬱星辰
劍蒼蒼雲雨池兩都開幕府萬寓插軍麾南海殘銅
柱東風避月支音書恨烏鵲號怒怪熊羆稼穡分詩
興柴荆學土宜故山迷白閣秋水隱一作黃陂不敢要
佳句愁來賦別離

江左

沈約謝靈運傳論降及元康潘陸特秀遺風餘烈事極江左自建武
暨于義熙歷載將百道麗之辭無聞焉耳仲文始輩孫許之風叔源

大變太元之氣爰逮宋氏顏謝騰聲文心雕龍江左篇製溺乎玄風續晉陽
秋曰正始中王何好莊老至過江佛理尤盛郭璞五言始會合道家之言而
韻之孫綽許詢轉相祖鄴中江淹雜體詩序關西鄴下既月支何奴傳

而月支盛

8 秋興八首

此秋起興感嘆身世之間實有一分寄寓自成起伏頓挫之妙後人
悲意遂攝大失作者之意矣

秋興

殷仲文詩云獨有清秋日能使高興盡
滿秋興賦序云於時秋也遂以名篇

箋曰此詩舊箋影略未悉其篇章次第鉤鎖開闔今箋而言之玉露詞寫
章秋興之發端也江間塞上狀其悲壯叢菊孤舟寫其悽緊末二句結上生
下故卽以夔府孤城次之絕塞高城杪秋薄暮俄音落日俄見南斗爐煙惜
而哀猿號急杵斷而悲笳發羅月蘆花淒清滿眼蕭瑟辰適夜憤發一時請看
二字緊映每依南斗卽連上城高暮砧當句呼應耳夜夜如此朝朝亦然日
日如此信宿亦然心抱南斗京華之思身與漁人燕子爲侶遠則杜衡劉向
之不如近則同學輕肥之相笑第三章正申秋興名篇之意古人所謂文之
心也然每依北斗望京華一句是三章中吃緊揭節蕭條歲晚身事如此長
安幕局世事如此企望京華平居寂寞故曰百年世事不勝悲也次下乃重
章以申之蓬萊宮闕一章思全盛日之長安也瞿唐峽口一章思承平昔遊之
長安也昆明池水一章思自古帝王之長安也昆吾御宿一章思承平昔遊之
長安也由瞿唐鳥道之區指曲江禁近之地兵塵秋氣萬里連延首章卽云
塞上風雲接地陰也唐時遊幸莫盛於曲江故悲陷沒則先舉曲江漢朝形
勝莫壯於昆明故追隆古則特舉昆明曰漢時曰武帝正乾指自古帝王也
此章蓋感嘆遺蹟金想其妍麗而自傷遠不得見乃疊申曲江末句又勢了
然今以爲槩指喪亂則迂矣天寶之禍干戈滿地管輅俱在國西及郭令收
西京陳於香積寺北澧水之東皆漢上林苑地在昆明御宿之間然城南故
苑風景無恙故曰自逶迤也碧梧紅豆秋色依然拾翠同舟春游如昨追緣
筆於壯盛感星象於至尊豈非神遊化人夢迴帝所低垂吟望至是而秋興
之能事畢矣此詩一事疊爲八章章雖有八重重鉤攝有無量樓閣門在今
人都理會不到但少分理會便恐隨逐穿穴如
鷺入牛角中耳餘義則更於分章下詳之

公行後起以秋意
提出目因秋而起
與也身居五峽心
望京華為八詩
之大旨
秋風蕭瑟游子
思鄉此人之常
情也今之故園思
與望京華而并
見者

玉露凋傷楓樹林。巫山巫峽氣蕭森。江間波浪兼天湧。塞上風雲接地陰。叢菊兩重開。他日淚孤舟。一繫故園心。寒衣處處催刀尺。白帝城高急暮砧。

巫山巫峽

水經注江上歷峽東逕新崩灘其下十餘里有大巫山非惟三峽所無乃當抗峰峽峽倍嶺嶺疑其間首尾一百六十里

謂之巫峽蓋因山為名也自三峽七百里中兩岸連山略無闕處重巒疊嶂隱天蔽日自非亭午夜分不見曦月

孤舟

張翥曰時公驢舟以

俟出

箋曰招魂曰湛湛江水兮上有楓目極千里兮傷心悲

宋玉以楓樹之茂盛傷心此以楓樹之凋傷起興也

又曰江間洶湧則上接風雲塞上陰森則下連波浪此所謂悲壯也叢菊兩

開儲別淚於他日孤舟一繫饒歸心於故園此所謂悽緊也秋夜客舍詩云

南菊再逢人臥病公在夔府兩見菊花故有兩開之句舊箋指樊川故里之

菊非也九日詩云繫舟身萬里孤舟一繫即已辦故園之心矣所謂遠望當

歸也以節則妙秋以地則高城以時則薄暮刀尺苦寒急砧促別末句標舉

興會略有五重所謂嗟峨蕭瑟真不可言公孫白帝城亦英雄割據之地此

地固確尤為悽斷上白帝城

詩云老去聞悲角意亦如此

分音抄意不誤
韻者

雙眸孤城落日斜。每依南斗望京華。聽猿實下三

聲淚。奉使虛隨八月查。畫省香爐違伏枕。山樓粉堞

隱悲笳。請看石上藤蘿月。已映洲前蘆荻花。

聽猿

水經注每至晴初霽旦。林寒澗肅。常有高猿長嘯。引清聲。空山傳響。哀轉久絕。故漁者歌曰。巴東三峽巫峽長。猿鳴三聲淚落哀猿住。

荆州記。夔陵縣峽口山。非日中夜半不見。日月多猿鳴。至清遠。

畫省

漢官儀。省中皆口粉塗壁。畫古賢烈女。以丹塗地。謂之丹墀。

香

爐

漢官儀。尚書郎主作文書。起草畫夜。直更于建禮門內臺。給青縑白綾。被或以錦被。帷帳茵褥。畫通中。枕女侍史二人。案被服。執香爐燒薰從。

入臺中給使護衣服。

山樓

張璠曰。謂所寓西閣也。

箋曰。孤城落日。悵望京華。曰。每依南斗。蓋無夕而不然也。石上之月。已映藤蘿。又是依斗望京之候矣。請看二字。緊映每字。無限要斷。見于言外。如云。已又過却一日矣。不知何日得見京華也。

又曰。每依南斗。望京華。賦感所謂。截斷東流句也。孤城落日。薄庚。獨裏孤臣。翹首京國。雖復八表昏黃。絕塞慘澹。唯此望闕寸心。與南斗共芒色耳。此句爲八首之綱。骨章重。文意不出於此。聯續奉使伏枕悲笳。遙夜惜悵。其可爲喻。然石上藤蘿之月。已映洲前蘆荻之花矣。莫迷謂是夜漫漫。何時旦。

又曰。每依南斗。望京華。賦感所謂。截斷東流句也。孤城落日。薄庚。獨裏孤臣。翹首京國。雖復八表昏黃。絕塞慘澹。唯此望闕寸心。與南斗共芒色耳。此句爲八首之綱。骨章重。文意不出於此。聯續奉使伏枕悲笳。遙夜惜悵。其可爲喻。然石上藤蘿之月。已映洲前蘆荻之花矣。莫迷謂是夜漫漫。何時旦。

身留慶府日月
如流回首宗等功
名不立不淨不有
同學故人三望而
少年進用從事
輕肥可歎

也細思請看二字又更是不覺乍見訝而嘆之之詞俾如是
解此二字喚起有力此喻老不忘若千歲而下可以相泣也

千家山郭靜朝暉一日江樓坐翠微信宿漁人還

汎汎清秋鷺子故飛飛匡衡抗疏功名薄劉向傳經

心事違同學少年多不賤五陵衣馬自輕肥

匡衡衡為少傳數年數上疏陳便宜及朝廷有政議傳經以對劉向言多法義上以為任公卿建昭三年代韋玄成為丞相

序曰何以博古敏達典校經書追念屈
原忠信之節故作九歎歎者傷也思也

愛曰漁人燕子即所見以自傷也亦以自死也公抗疏不納匡衡而近侍移
官一片不復故曰功名薄若劉向雖數奏封事不用而猶居近侍與校五經

公則白頭幕府深愧平生故曰心事違也七歌云長安卿相多少年
所謂同學者蓋長安卿相也曰少年曰輕肥公之曰當時卿相如此

又曰山郭千家朝暉冷靜寫出慶府孤城也信宿漁人不但自況以其延緣
茯苓攜家嘯歌鷺樓之客始有非如還汎汎者亦羨之之詞也九辨曰燕歸

翩其辭歸兮蟬寂寞而無聲以燕遇秋寒而翔而畏懼也故以清秋目之燕
燕于飛詩人取喻送別口則繫舟伏枕而燕乃下上辭歸飛翔促欷歔余心

焉曰故飛飛者憫亂之詞亦觸迂也抗疏之功名既薄懶經之心事又違旋
視同舉少年五陵衣馬亦漁人燕子之儔耳故以自輕肥薄之下一自字

曰玉環曰明德曰貞
肅曰江陵曰江陵
宣帝以子之所處
曰故國故曰白雲
長安曰漢家也江
昆明紫閣諸之
所思而意也從其音
出音杜心爭如見
所謂一飯不忘君
者也即此便是
八詩中今錄

與還沈之故飛飛翻則相應杜陵有新

衣老犬心雖拙於長安卿相何有哉

聞道長安似奕棋百年世事不勝悲王侯第宅皆

新主文武衣冠異昔時直北關山金鼓振征西車馬

羽書遲一作魚龍寂寞秋江冷故國平居有所思

奕碁左傳奕者舉碁不定不勝百年辛有曰不及百第宅長安志奉

國夫人宅其地本中書令馬周宅津陽門詩曰八姨新起合歡堂右相李林甫宅本衛國公李靖宅林甫死後改為道士觀天寶中京師堂寢已極宏麗

而第宅未甚逾制然衛國公李靖廟已為雙人楊氏殿矣及安史二逆之後大臣宿將就崇棟宇人謂之木衣直北謂臨右關魚

龍鄭道元曰魚龍以秋日為夜龍秋分其為水上起下之則奕碁不定然國者之

其悲也百年世事用辛有之言也王侯第宅指誤國之人如林甫國忠輩也

武衣冠皆異于昔時也所謂百年世事者如此

又曰肅宗收京已後委任中人中外多故公不以移官僻遠懸置君國之憂故有聞道長安之章每依南斗望京華情見于此白帝城高目以故國兼天

此宮固有神仙之
威三母並開宮
意顯然也非江
成懷景昔而不
道也承平三氣
也

波浪噴蛟魚龍曰平居有所思殆欲以滄江遺老舊袖屈指覆
定百年舉某之局非徒悲傷晚晚如昔人願得入帝城而已

蓬萊宮闕對南山承露金莖霄漢間西望瑤池降王

母東來紫氣滿函關雲移雉尾開宮扇日繞龍鱗識

聖顏一卧滄江驚歲晚幾迴青瑣照朝班

蓬萊麟義錄舍元殿國初建造龍首岡以為基址形塚鉅高五十餘丈左右立樓鳳翔鸞二閣龍尾道出於閣前倚欄瞰前山如在諸掌

殿去五門二里每元朔朝會禁軍御仗宿於殿庭金甲孫戈雜以綺繡文武
纓珮序立蕃口口長仰觀玉座如在霄漢識者以為自輕漢迄於隋未有如

此之盛雍錄東內大明宮舍元殿基高於平地四丈舍元之北為宣政宣政
之北為紫宸地每退北輒又加高至紫宸則極矣其北遂為蓬萊殿自丹鳳

門北則有含元殿又北則有宣政殿又北則有紫宸殿三殿
南北相背皆在山上至紫宸又北而為蓬萊則山勢益矣

傳開元二十八年十月玄宗幸溫泉宮使高力士取楊氏女於壽邸度為女
道士號太真住內太真宮天寶四載七月於鳳皇園冊太真宮女道士楊氏

為貴妃進見之日奏霓裳羽衣曲唐人詩多以王母比貴妃劉禹錫詩仙心
從此在瑤池三清八景相追隨公詩云惜哉瑤池飲又曰落日留王母也

函關天寶元年田同秀見玄元皇帝降于永昌街云有靈寶符在函各關尹喜宅旁上發使求得之高力士外傳開元之末天寶之初陳希烈

上玄元之尊田同秀獻寶符之瑞貴妃受寵外戚承恩

官扇

儀衛志唐制人君乘輿必以扇大駕前導儀衛時有兩直華蓋六寶香燈大纛

雉尾障扇雉尾扇方雉尾扇花蓋小雉尾扇朱畫兩扇併倪之屬會要開元中蕭嵩奏每月朔望皇帝受朝二宣政殿先列仗衛及文武四品以下於庭侍中進外辦上乃步自序西門出昇御座起步入東序門然後放仗散臣以爲宸儀肅穆昇降俯仰衆人不合得而見之乃請備羽扇王殿兩扇上扇出所司承旨索扇扇合上座定乃去扇給事

中奏無事將退又索扇如初今以爲常

笑曰公詩曰憶獻三賦達華官此記其事也王母函關記天寶承平盛事而荒淫失政亦略見矣雲稜二句記朝儀之盛曰識星顏者公以布衣朝見所謂往往時文彩動人主也落

句力及拾遺務官之事

又曰此詩追思長安全盛敘述其官闕崇麗朝省尊嚴而感傷則見於末句蓋自靈武迴鑾放逐蜀郡舊臣自此中官竊柄開元天寶之盛事不可復見而公坐此殺官滄江歲晚能無三歎於今昔乎幾回青瑣追數其近侍奉引時日無幾也嗟乎西望蓬池以下開寶之長安也王侯第宅以下肅宗之長安也徘徊感嘆亦所謂重章而共述也

謂重章而共述也

長安府志

瞿唐峽口曲江頭萬里風煙接素秋花萼夾城通御氣芙蓉小苑入邊愁朱簾繡柱圍黃鶴通作鶴錦纜牙橋

此言歌聲之盛也
娛前曲昔感今此
首由今溯昔秦中
歌舞自昔為然
感而不哀不悲有
感于宮中安之者
也

此言詞事之盛也
天長明習我勝
猶存而池水秋風

起白鷗迴首可憐歌舞地秦中自古帝王州

夾城小苑

舊唐書開元二十年遣范安及于長安廣花萼樓築夾城至芙蓉園長安志開元二十年築夾城入芙蓉園自大明宮夾

東羅城復道經通化門親以建南內與慶宮夾經

春明延喜門至曲江芙蓉園而外人不知也

笑曰此記長安失陷之事也玄宗自秦幸蜀故有羅唐曲江萬福殿之

益玄宗幸蜀正八月也入邊愁并指吐蕃陷長安也歐陽修之

毀則宗廟宮闈

不言而可知矣

父曰開元中廣花萼樓築夾城復道自南內徑達曲江芙蓉園

廣宸游絕跡故曰通御氣也祿山反報至上欲還幸登興慶宮花萼樓置酒

四顧懷愴此所謂人遷愁也舊笑謂并指吐蕃陷長安非也宋應鑄在指陸

地帝暮之妍華錦纜牙檣指水嬉權權之炫耀京江頭云江頭官廨鎮千門

此則痛定而追思也長安天府三成帝幸故曰周以龍興秦以虎視至有唐

而曰長驅天子下殿不亦傷乎滌句之意以為樂游歌舞之地逸豫不承

夜

一作

石

鯨

鱗

甲

動

秋

風

波

漂

菰

米

沉

雲

黑

露

冷

蓮

昆明池

水

漢

時

功

武

帝

旗

旗

在

眼

中

織

女

機

絲

虛

月

不世零落所以無
時乃自發耳

墜粉紅關塞極天唯鳥道江湖滿地一漁翁

旌旗

西京雜記昆明池中有戈船樓船各數百艘樓船上建樓櫓及船
上建又才四角悉垂幡旄於船底蓋然約涯淡余少時猶憶見之

織女

漢宮闕疏呈明池有二石人牽牛織女象
西都賦左牽牛而右織女似雲漢之無涯

石鯨

西京雜記昆明池邊皆是彫胡紫萍綠節之
石鯨為魚每至雷雨魚常鳴吼

菰米

西京雜記太液池邊皆是彫胡紫萍綠節之
菰米之有米者長安人謂為彫胡菰之有首

蓮房

者謂之
綠節
蓮房
西京賦昆明池注曰言菰米之多點點如雲之黑也

蓮房

昌黎曲江荷花行云問言何處芙蓉多撐舟昆明渡
雲錦注云昆明池周回四十里芙蓉之盛如雲錦也

蓮房

箋曰此借武帝以喻玄宗也兵車行云武皇開
邊意示已韋應物詩云少事武皇帝唐人皆然

蓮房

又曰今人論唐七言長句推老杜昆明池水為冠實不解此詩所以佳楊用
脩曰觀西京雜記三輔黃圖所載則知盛世殷富之景觀織女機絲四句則

蓮房

知兵火凋殘之狀此亦強作解事耳叙昆明之勝者莫如孟堅平子一則曰
集平豫章之館臨乎昆明之池左牽牛而右織女若雲漢之無涯一則曰

蓮房

章珍館揭焉中峙牽女立其左織女處其右日月於是乎出入象扶桑與
記此用脩所誇盛世之文也余謂班張以漢人叙漢事鋪陳名勝故有雲漢
日月之言公以唐人叙漢事摩挲陳跡故有機絲夜月之詞此立言之體也
何謂彼頌繁華而此傷喪亂乎菰米蓮房補班張鋪叙所未見沈雲墜粉猶

後四句持有所思
 春未首進許
 與懷搖落客
 詩三絕佳也
 追思故園四首
 安皆昔時所不能
 忘者故詩可以言
 此之謂也

蓋素秋景物居然金碧粉本見池水黑故賦言黑水玄趾菰米沈沈象池水
 之玄黑極言其繁縟也用修言兵火殘破菰米漂沉不收不已倍平舊箋謂
 借漢武以喻玄宗指武皇開邊為證玄宗雖興兵南詔未嘗如武帝穿昆明
 以習戰安得有旌旗在眼之語兵車行前後出塞諷諫窮兵者多矣安用於
 此中屢辭致議豈主文諷諫之義乎今謂昆明一章緊承上章蔡中自古帝
 子州一句而申言之時則曰漢時帝則曰武帝織女石鯨運房菰米金匱
 沼之遺蹟與戈船樓櫓並在眼中而自傷其僻遠而不得見也於上章末句
 勉指其來脉則此中叙致福壺環鎖了然分明如是而曰七言長句果以此
 詩為首知此老亦為點頭矣末二句正寫所思之況關塞極天豈非風煙萬
 里滿地一漁翁即信宿泛泛之漁人耳上下使仰亦在眼中謂公自有一漁
 翁賦

昆吾御宿自逶迤紫閣峰陰入漢陂一作紫閣峯陰入漢陂
 香稻初華未吐紅飯餘鸚鵡粒碧梧棲老鳳凰枝佳
 人拾翠春相問仙侶同舟晚更移綵筆昔遊干氣
 象白頭吟望苦低垂

昆吾御宿御獵賦序武帝廣開上林東南至宜春鼎湖御宿是吾晉穆
 曰昆吾地名上有亭師古曰御宿則今長安城南御宿川也

京華者一什云云
吟以見悲秋之況也

蓋宿聲相近故或云御着或云御宿三輔黃圖曰御宿川在長安城南武帝雖官別館禁禦人不得往來上宿其中故曰御宿紫閣南記
東上朱坡越華嚴寺下瞰終南之勝霧嚴玉案主峰紫閣衆在目前注曰主峰紫閣在終南山祠之西主峰下有草堂寺紫閣之陰即漢陂杜詩紫閣峰陰入漢陂是也紅豆沈括筆談及洪興祖楚詞前主並作紅豆味餘鵲鵲當以

草堂本爲正雲溪友議李邕年曾于湘中採訪使筵上唱紅豆生南國春來發幾枝拾翠羽各神賦或採明珠或拾翠羽

箋曰此記遊宴漢陂之事也仙侶同舟指岑參兄弟也公詩云氣衝星象表詩感帝王尊所謂舞筆昔遊于氣象也公與岑參雖宴遊在天寶獻賦之後窮老追思故有白頭吟望之歎焉

又曰箋以爲思昔游之長安是矣今更指昔游之地謂亦連蹕上章而來蓋武帝建元中微行放出廣開上林東南至宜春鼎湖昆吾御宿北窰黃山周袤數百里元狩三年始穿昆明池以象滇河今詩昆吾御宿一句正指武帝所開城南故地言自遠適者歸昆明池水言之謂不獨穿鑿昆明爲武帝之功凡上林黃山之間更衣禁禦建置歷然亦皆如昆明旗幟常在眼中也秦州自古帝王一句亦總括於此蓋事訖而重申亦章重而事別矣公詩如鵲鷄之犀四面皆見故錯綜于舉以告知者

8
詠懷古跡五首

此就峽中古語言
之然是惜咏古以
抒懷非事為古
以考証也五詩中
感慨淋漓寄
情無限

宋玉之悲明妃之
怨也皆見倚柳
千秋之感

支離東北風塵際漂泊西南天地間三峽樓臺淹日

月五溪衣服共雲山國事主終無賴詞客哀時且

未還庾信平生最蕭瑟暮年詩賦動江關

五溪

荆州記曰臨沅縣南臨沅水水源出牂牁且蘭縣至郡界分為五溪

故云五溪蠻元和郡國志辰州取辰溪為名蠻戎所居也其人皆蠻

蠻之子孫或曰巴子兄弟入為五溪之長今兩溪在州西次南武溪次南沅

溪次南辰溪次東南熊溪次東南明溪其熊朗一溪與鄆道元水經注雖不

同推其次第相當則五溪盡在今辰州界也于寶晉紀武陵長沙盧江郡口

繁輒之後後漢南蠻傳帝女解去衣裳為僕磨之結著獨力之衣登結漢書

注云或作豎豎生六男六女織績木皮染以草實好五色衣服叙州諸五

溪之南即益州牂牁郡界五溪諸蠻遠接益州四郡故先王代吳使馬良招

五溪諸蠻庾信周書信在周雖位望通顯常有鄉關之思乃作哀江南賦

援以官爵以致其意其辭曰信年始二毛即逢喪亂我是流離至王

暮齒燕歌遠別悲不自勝楚宅相逢泣將何及

又云將軍一去大樹飄零壯士不還寒風蕭瑟

搖落深知宋玉悲風流儒雅亦吾師悵望千秋一

灑淚蕭條異代不同時江山故宅空文藻雲雨荒臺

豈夢思最是楚宮俱泯滅舟人指點到今疑

雲雨荒臺

選善注曰漢書注云雲夢中高唐之臺此賦蓋假設其事諷諫淫惑也

楚宮

寰宇記楚宮在巫山縣西二百

步在陽臺古城內即襄王所遊之地陽雲臺高一百二十

羣山萬壑

大梅挑長江宋玉賦云游陽雲之臺望高唐之觀即此也

去紫臺連朔

漢獨留青塚

向黃昏畫圖省識春風面環珮空歸月

夜魂千載

一作琵琶作切語分明怨

一作恨曲中論

荆門

郭景純江賦巴東之峽夏后疏鑿絕壁萬丈壁立霞駭虎牙崇堅以屹崇荆門闕球而盤佛跡歸志云左荆襄右巴蜀而施黔背金房大

江經其前香溪繞其後樂史楊貴妃外傳昭君生于峽州故有昭君村

紫臺

別賦紫臺稍遠關山無極善注紫臺即紫官也

琵琶

石崇王明君詞序昔公主嫁烏孫令琵琶馬上作樂以慰其道路之思并送明君亦必爾也其造新曲多哀怨之聲故叙之于紙云爾

蜀主窺吳幸三峽崩年亦在永安宮翠華想像空

山裏玉殿虛無野寺中古廟杉松巢水鶴歲時伏臘

蜀主之廟才而不
可盡孔明之用
笑矣此

走村翁武侯祠屋常鄰近一體君臣祭祀同殿今為寺廟在宮東

窺吳水經注江水又東運石門離灘北岸有山山上舍下開洞達東西嶽江步路所由劉備為陸遜所破走經此門追者甚急乃燒鑼斷道孫

桓為遜前驛斬上雙道截其要徑備踰山越險僅乃得免忿恚而永安宮歎曰吾昔至京和尙小兒而今追孤乃至于此遂發憤而薨矣

華陽國志先主戰敗委舟舫由步道還魚復改魚復為永安明年正月召丞相亮于成都四月殂于永安宮水經注江水又東逕南鄉峽東逕永安宮南

劉備終于此諸葛亮受遺處也其間平地可二十里許江山迴瀾入峽所無城周十餘里背山面江頽墉四段荆棘成林左右民多鑿其中鑿宇記劉備

改魚復為永安仍于州之西北別置永安宮

諸葛大名垂宇宙宗臣遺像肅清高二分割據紆籌

策萬古雲霄一羽毛伯仲之間見伊呂指揮若定失

蕭曹福一作移漢祚難恢復志決身殲軍務勞一作終

伊呂張輔樂傳後劣論孔明包文武之德文以寧內蕭曹後魏書毛循武以折衝殆將與伊呂爭衡豈徒樂毅為伍哉

中聞長老言陳壽曾為諸葛門下書佐得捷百下故其論武侯云應變將畢非其所長崔浩典論曰亮之相劉備當九州鼎沸之會英雄奮發之時君臣

名詞中句風
慨聲情悲壯
前所未有

相得魚水為喻而不能與曹氏爭天下委棄荊州退入巴蜀誘奪劉璋偽連
孫氏守窮岷嶓之地借號邊鄙之間此策之下者可與趙佐為偶而以為蕭
曹亞匹不亦過乎謂蕭亮非為
失實此詩所以正浩之遺論也

諸將五首

自孫山背叛天下軍無公作五詩以詆刺諸將也五詩意各有
所指括盡當時用兵以來事情

漢朝陵墓對南山。因園千秋尚入關。昨日玉魚蒙葬
地。早時金盃出人間。見愁汗馬西戎逼。曾閃朱旗北
斗殷。多少材官守涇渭。將軍且莫破愁顏。

漢朝陵墓

張載七哀詩云北芒何歷歷高陵有四五借問誰家墳皆云
漢世主。蔡文通相望原陵。曹應季世喪亂起賊盜如豺虎

毀壞過一不使房路斷戶珠押離玉體珍寶見剽擄魏文帝典論喪亂以來
漢氏諸陵無不發掘至乃燒取玉押金鑲骨并盡黃卓傳卓自留屯畢圭
苑中使呂布發諸帝陵及玉魚每見數十騎馳突出高宗使巫祝劉明奴
公卿以下冢墓收其珍寶
問其所由鬼曰我漢楚王戊太子成葬於此明奴曰按漢書戊與七國反誅
成無後焉得葬此鬼曰我當時入朝以路遠不隨坐病成天子于此葬我漢
書自遺誤耳明奴因宣詔欲為改葬鬼曰出入誠不安改金盃
葬幸甚天子飲我玉魚雙及發掘玉魚宛然棺柩畧盡金盃云金作玉

此四言言人依
造以坤故金方
曰乾以故中
之乾也故造之

漢武故事茂陵事本言玉枕按漢武故事鄠縣有一人于市貨玉五更疑其

御物欲捕之因忽不見縣送其器推問乃茂陵中物也光自呼吏問之說市

人形貌如先帝沈炯行經漢武通天臺表奏亦云甲帳珠簾一朝零落茂陵

玉盤遂出人間舊注引于寶搜神記盧充幽婚事雖有棺中金枕與茂陵墓無

與北斗殷英華辨証漢書有朱旗絳天杜云曾問朱旗北斗殷則是周

宣宗諱正紫或改作周今既統不

諱則是殷字何疑左傳左輪朱殷涇渭二水在長安西北是春吐蕃請和

天即此此以吐蕃言福山之亂陵墓在渭水之南郭子儀以利我不虞乃遣兵戍奉

地也之他故皆反之

箋曰此詩指漢朝陵墓以喻唐也宮闕陵墓並對南山有充奉屯衛之盛而

不能禦口口之人故曰千秋尚人關也祿山作逆繼以吐蕃焚毀未已嚴

有發掘之虞玉魚金統借尋常墳墓之事以婉言之不忍如張韓七哀所謂

便房啓幽戶珠押離玉體斥言之而無諱也昔日玉魚才象葬地早時金盤

已出人問曰昔日早時言變亂倏忽不可常保也指西戎人犯之促數故

日見愁汗馬指口口黃宮之燬燬故曰曾問朱旗所以告戒長安之諸將者

如

韓公本意築三城擬絕天驕拔漢旌豈謂盡煩回紇

馬翻然遠救朔方兵困來不覺潼關隘龍起猶聞晉

此四言言人依
造以坤故金方
曰乾以故中
之乾也故造之

水清獨使至尊憂社稷諸君何以答升平

三城

舊書神龍三年張仁愿于河北築三受降城先是朔方與突厥以河為界河北岸有拂雲祠突厥每入寇必禱祠候水合而人時默發西

擊婆葛仁愿乘虛奪漠南之地築三城首尾相應以拂雲祠為中城相去各四百里皆據津濟迺相應接北拓三百餘里於牛頭朝那山北置烽燧一千八百所自是突厥不得度山放牧朔方無復寇掠呂溫三受降城碑曰跨大河以北嚮制口馬之南牧以拂雲祠為中城東西相去各四百里過朝那而北關斥候迭望幾二千所分形以據同力而守納陰山於寸眸舉大漠於掌涉河而南門用晏閉公猶以為未也方將建大旆提金鼓馳神竿鞠虎藏定保塞一隅之安空苦寒萬里之野大略方運元勳不集厥後賢愚迭任工拙與勢城墮險固冠得凌軼或驅馬飲河而去或控弦俾壘而旋吾知韓公不暇目於回紇祿山反范陽河北皆陷郭子儀以孤軍起朔方賊將誘河曲地下矣回紇九府六口州部落數萬通行在于儀以回紇首領葛邏支擊走之回紇太子葉護自將助討祿山戰于滄上賊詭伏將襲我回紇馳剪其伏出賊背夾虜之賊大敗遂收長安新店之役賊陳出輕騎子儀悉軍追掩賊張兩翼包之官軍亂而却回回紇望見即踰西嶺從後擊虜且全乘矢射賊賊驚曰回紇至矣遂大敗僞尸相屬官軍乘勝遂收東都由此觀之汾陽以朔方孤軍收復兩都皆賴回紇助順之力故曰豈意靈煩回紇馬也肅宗即位日朝廷草昧軍容單寡詔子儀光弼班師赴行在國威始振故帝唯依朔方軍為根本僕固懷恩曰朔方將士為先帝中興主人是陛下潼關

元年吐蕃度便橋上幸陝至華州豐王珙見上于潼關上至陝恐吐蕃東出潼關微子微詣行在子儀曰若出兵藍田口必不敢東向自哥舒失守之後潼關之險與賊共之僕固懷恩誘回紇吐蕃連兵入犯蹂躪三輔故曰口來不覺潼關隘也 晉水 一行并州起義堂須翔太原冊府元龜高祖師次龍門縣代水清太宗生時有二龍戲於門外井中經三日乃冲天而去○龍起猶聞晉水清即李嗣所謂神堯以一族取天下也其感

嘆如此

箋曰當景龍之時張仁愿築城曰腹中制其南牧猶以狼居幹海絕幕未空為恨不及百年而口口作逆回鶻助順堂堂中夏借力口口以資匡復國勢之衰衰如此遼事之倒置如此不亦傷乎是以悲潼關之失隘思唐堯之一旅勸勉河北諸將不應無韓公之老謀而以賊遺君父也往余沿襲舊聞謂責諸將不應借助於回紇當盜發幽陵天子西走汾陽提朔方孤軍轉戰逐北香積之崩伏西嶺之却迴非同紇協力奮擊或出其背或出其後勝負未決兩都之收復未可知也當此之時能預料其情思肆掠逆而拒之乎魏勃曰火火之家當先白大人後救火乎此切論也故晉謂豈謂盡煩云云乃俯仰感嘆之詞非以是為謀國不減而有所彈刺也有言末章二句屬勸勉汾陽之詞汾陽自相州罷歸部曲離散承詔日麾下才數十騎能免於朝恩元振交口警憐少陵於此時惜之可也說之可也又何庸執三十之管把其短長乎新書亦謂太宗能用突厥而肅宗不能用回紇免閣書生不識世務鈔略論所妄談兵事如此

雖者皆可以一笑也

洛陽宮殿化為烽休道秦關百二重滄海未全歸禹

貢薊門何處盡堯封朝廷衮職雖多預一作誰天下軍

儲不自供稍喜臨邊王相國肯銷金甲事春農

衮職後漢論王暢李膺彌縫臨邊廣德二年王綰同平章事其年八月

衮職注彌縫猶補合也諸節度行營事兼領東京留守歲餘遷河南副元帥請減軍資錢四十萬買

修東都殿宇大曆三年領幽州盧龍節度又兼太原尹北京留守充河東軍

度節箋曰此責朝廷之大臣出將者也將相大臣當安危重任不思何以歸職貢

復封疆補衮職於朝廷供軍儲于天下如王綰者不過募耕勸農備承平有

迴首扶桑銅柱標冥冥氛祲未一作不全銷越裳翡翠無

消息南海明珠久寂寥殊錫曾為大司馬總戎皆挿

侍中貂炎風朔雪天王地只在忠臣一作陳作翊聖朝

銅柱

水經注昔馬文淵積石為塘達於象浦建金標為南極之界林邑記曰馬援樹兩銅柱於象林南界與西屠國分漢之南疆也俞益期

曰馬文淵立兩銅柱于林邑岸北山川移易銅柱今復在海中新書瓊王本

以兵定南詔取安寧城及越裳開元中用中官楊思勗將兵討安南五

所至立功 大司馬 拜兵部尚書詔羣臣于尚書省送上楊炎靈武受命

官領廣平王倣大尉光弼司徒子 總戎 州不立統帥以魚朝恩為觀軍容

宣慰處置使觀軍容使名自朝恩始廣德元年改為天下觀軍容宣慰處置

使程元振代輔國判元帥行軍司馬專制禁兵加鎮軍大將軍右監門衛大

將軍充寶 侍中 應劭漢書侍中周官也金蟬有貂裘始皇後趙得其冠以

謂之侍中分掌乘輿服物下至褻褻虎子之屬晉與服志天子元服亦先加

大冠左右侍臣及諸將軍武官通服之侍中常侍則加金璫附蟬為飾補以

貂毛黃金為竿侍中 中樞左常侍補右 箋曰此深戒朝廷不當使中官出將也楊思勗討安南五漢殘酷好殺放越

棠不貢呂太一收珠南海阻兵作亂波南海不靖李輔國以中官拜大司馬 所謂殊錫也魚朝恩等以中官為觀軍容使所謂總戎也災風朔雪皆天王

概言天下諸將而末
首歸劉蜀中者
亦以自居其地
親切言之

讀平蕭代開國勢衰弱不復再振其根本肯

在於此斯豈非忠規切諫救世之針藥與

歸義嚴武

錦江春色逐人來。巫峽清秋萬壑哀。正憶往時嚴僕
射共迎中使望鄉臺。主恩前後三持節。軍令分明數
舉盃。西蜀地形天下險。安危須仗出羣材。

數舉盃

新書鴻漸入成都。政事一委崔寧。日與僚屬杜亞楊炎縱酒高
會。獨蒙錄職。漸出蜀至嘉陵江與從事楊崖州杜亞登驛樓

望月行。鸞鶴語。遂命家僮取鼓與板。笛此云。軍令分明。數舉盃。蓋開議其日
飲不事。事也。入哀詩於嚴武云。豈無成都酒。憂國只細傾。則鴻漸之縱飲於
憂國之共以蜀中言蜀地險遠安危在人。追思嚴武之功。所以為當時任事者
志荒矣也。然出羣之材。豈惟蜀中是賴。凡為將者。宜知之。

箋曰。此言蜀中將帥也。崔旰殺郭英。又柏茂琳。李昌夔。楊子琳。舉兵討旰。蜀
中大亂。杜鴻漸受命鎮蜀。畏旰。數薦之于朝。請以節制。讓旰。茂琳等各為本
州刺史。上不得已。從之。鴻漸以宰相兼成都尹。劍南東西川副元帥。主恩尤
隆。於嚴武而畏性無遠。略憚旰。旰反。委以任。姑息養亂。日與從事置酒高
會。其有嫌於前鎮多矣。公詩標巫峽。錦江。指西蜀之地形也。曰正憶曰往時
感今而指昔也。主恩則是而軍令則非昔人之三杯何如。今人之縱飲如武
者。真出羣之材。可以當安危之寄。而今之非其人居。可知也。

公身居蜀中而風刺出鎮之宗陳微其請指遠而詞文如此

杜集卷一五

上

秋日夔府詠懷奉寄鄭監李賓客審李賓客之方一百韻

絕塞烏蠻北孤城白帝邊飄零仍百里消渴已三年

雄劍鳴開匣羣書滿繫船草堂本云一作所向皆窮賸餘生且繫船亂離心不展

一作衰謝日蕭然筋力妻孥問菁華歲月遷登臨多物

色一作陶冶賴詩篇峽束滄江起巖排石一作樹一作石一作圓拂雲

靈一作楚氣朝一作海蹴一作吳天煮井為鹽速燒畬度地偏

有時驚疊嶂何處覓平川鴻鵠雙雙舞獼猴壘壘懸

碧蘿長似帶錦石小如錢春草何曾歇寒花亦可憐

獵人吹戍火野店引山泉喚起搔頭惡扶行幾屐穿

兩京猶薄產四海絕隨肩幕府初交辟郎官幸備員

瓜時猶一作仍旅寓萍泛苦黃緣藥餌虛狼藉秋風灑

此詩言哀語顯
實功名志就終
乃歎時心于時
代也世乱而不
得為中興之佐
垂老而思為
出處之人是此
詩寄懷同舍

國宴飲而問法曲
道恩重而四首
帝師此種出云
已入神境

漢中與主帝出
不世賢詩入鄭
李在江陵

靜便開襟驅晉作瘴癘明日掃雲煙高宴諸侯禮佳人

上客前哀箏傷老大華屋艷神仙南內開元曲常時

弟子傳法歌聲變轉滿座涕滂浹都督柏中丞延開梨中影

夔州僻回腸杜曲煎卽今龍厖水莫帶因國殫西京龍

馬門也渭水耿賈扶王室蕭曹拱御筵乘威滅蜂蠹戮力

効川作鷹鷂舊物森猶在凶徒惡未悛國須行戰伐人

憶止戈鋌奴僕何知禮恩榮錯與權國星一彗李川作

黔首川作遂拘繫哀痛絲綸切煩苛法令蠲業成陳始

王兆喜出于畋宮禁經綸密台階翊戴全熊羆載呂

望鴻鴈美周宣側聽中興主長吟不世賢音徽一柱

數道里下牢千鄭在江陵鄭李光時論文章竝我先陰何

此下東坡自序
將去處府而往二
致妙正一筆描住
微出許多筆情

尚清省。沈宋歎聯翩。律比崑崙竹。音知燥溼絃。風流
俱善價。愜當久忘筌。置驛常如此。登龍蓋有焉。雖云
隔禮數。不敢墜周旋。高視收人表。虛心味道玄。馬來
皆汗血。鶴唳必青田。羽翼商山起。蓬萊漢閣連。管寧
紗幘淨。江令錦袍鮮。東郡時題壁。南湖日扣舷。遠遊
凌絕境。佳句染華牋。每欲孤飛去。徒爲百慮牽。生涯
已寥落。國步乃^{一作}迍邐。衾枕成蕪沒。池塘作棄捐。^{一作}多病
^{一作}小兒
別離憂。怛怛伏臘涕。漣漣露菊班。鄴錫秋蔬^{一作}景
澗瀍共誰論。昔事幾處有新阡。富貴空廻首。喧爭懶
著鞭。兵戈塵漠漠。江漢月娟娟。局促看秋鷺。蕭疎聽
晚蟬。離蟲蒙記憶。烹鯉問沉綿。卜美君平杖。偷存子

此家何處是會以
後所言之處與前
叙處州形勢不同

敬。匱。囊。虛。把。釵。鈿。米。盡。圻。花。鈿。甘。子。陰。涼。紫。茅。齋。八。
九。椽。陣。圖。沙。北。岸。市。暨。漲。西。巔。市暨首既映人目市井處曰市暨八陣圖市暨妻人語也江水

橫通山谷處方人謂之讓

羈。絆。心。常。折。棲。遲。病。卽。痊。紫。收。岷。嶺。芋。

云紫秋

白。種。陸。池。

一作蓮

色。好。梨。勝。頰。穰。多。栗。過。拳。勅。厨。唯。一。

味。求。飽。或。三。鱸。兒。去。看。魚。笥。人。來。坐。馬。韉。

一云俗與鄰校室朋來坐馬韉

縛。柴。門。窄。窄。通。竹。溜。涓。涓。塹。抵。公。畦。稜。

京師農人指田遠近多云稜稜故音去聲

村。依。野。廟。墻。缺。籬。將。棘。拒。倒。石。賴。藤。纏。借。問。頻。朝。謁。

何。如。穩。醉。

一作畫

眠。誰。云。行。不。逮。

一作達

自。覺。坐。能。堅。霧。雨。銀。

章。澀。馨。香。粉。署。妍。紫。鸞。無。近。遠。黃。雀。任。翩。翩。困。學。違。

從。衆。明。公。各。勉。旃。聲。華。夾。宸。極。早。晚。到。星。躔。懇。諫。留。

匡。鼎。諸。儒。引。服。

一作伏

虔。不。逢。

一作輸

鯁。直。會。是。正。陶。甄。宵。

此處建中興寧
之蓋以功名之事
理諸公而身許
為漢之漢也

此後為通篇之
結是所懷之盛
者故以若語而以
目為寄之意

肝憂虞軫黎元疾苦駢雲臺終日盡青簡為誰編行
路難何有招尋興已專由來具飛檄暫擬控鳴弦身
許雙峰寺門求七祖禪落帆追宿昔衣褐向真詮安
石名高晉鄭高簡得謝太傅之風昭王客赴燕李宗觀有燕昭之美燕周之裔途中非阮
籍查上似張騫披拂一作昭晉作籍雲寧在淹留景不延風期
終破浪水怪莫飛涎他日辭神女傷春怯杜鵑淡交
隨聚散澤國遶迴旋本自依迦葉何曾藉偃佗鐘峰
生轉眄橋井尚高寨東走窮歸鶴南征盡點鳶晚聞
多妙教卒踐寒前愆顧凱丹青列頭陀琬琰鐫衆香
淡黯黯幾地肅芊芊勇猛為心極清羸任體孱金篦
空刮眼鏡象未離鈴一云平聲木難鈴

煮井

寰宇記大寧縣本興州大昌縣前鎮溪井山嶺有壁之中有鹹泉湧出土人以竹引泉置鑊煮鹽

燒畬

割馬鋤畬田竹何處

好畬田團團緩山腹鑽龜得雨卦上山燒田木又竹枝詞銀鋪金釵來負水長刀短笠去燒畬舊注楚俗燒榛種田曰畬先以刀其治林木曰研畬其刀

以木為柄刀向曲謂之畬刀

搔頭

西京雜記武帝過李夫人就取玉簪搔頭自此後宮人搔頭皆用玉玉價倍貴焉

開元曲

長安志長生殿教坊唐紀曰玄宗置左右教坊於蓬萊宮側帝自為法曲俗樂以教官人號皇帝梨園弟子唐會要開元二年上以天下無事暇收之暇

于梨園自教法曲必盡其妙謂之皇帝梨園弟子又太常梨園別教院法歌樂章曲等明皇雜錄天寶中上命宮中女子數百人為梨園弟子皆居宜春

北院其後李龜年流廢江南每遇良辰美景常為人歌歌閣座上聞之莫不掩泣而罷酒

龍廐

雅錄後苑有驥德院禁馬所在韋后入飛龍廐

為衛士斬首蓋自玄武門出官入廐也

六典東都玄武門內之東曰飛龍廐

奴僕指安史降將也始王指

代宗初年也于改喻其幸映猶所謂賢多隱屠釣王肯戴同歸也

燥濕

廣絕交論客所謂燥濕變響詩外傳天時有燥濕

弦有緩急嶽柱推移不可記也

錦袍

魏集有山水衲袍賦其序曰皇儲監國餘辰勞謙終宴有令以衲袍降賜何以來揚恩德

東郡

江陵漢舊縣屬南郡史記江陵故郡都西通巴巫在巴武之東故曰東郡也

君平杖

益州記鳳橋東有嚴君平卜處土臺高數丈也

嚴君平卜肆詩君平曾賣卜卜肆荒已久至今杖頭錢時時地上有

梨栗

蜀都賦紫梨津

三鱸

楊震傳冠

魚飛集講堂前注鱸青善臣賢按續漢及謝承書鱸字皆作鱖然則鱖與古

字通顏氏家訓孫卿云魚鱖鱖韓非說苑皆曰鱖似蛇鱖似蟬並作鱖字

假鱖為鱖其來久矣按楊震傳三鱖音善所謂假鱖為鱖者也兩雅釋魚音

知然反陸德明音義張連反即黃魚也此鱖銷之體杜詩所謂三鱖也蓋用

楊震傳三鱖而兼取郭陸音釋未知當否吳曾曰以楊震碑考馬鵠海傳

之則云貽我三魚以辨懿德則稱鱖稱鱖皆未必得其真也

蘇秦既貴張儀來謁雙峰寺舊書遼東傳遼東可憐其左臂以求

坐于馬輶而食之雙峰寺法慧可傳東傳道信遺信傳弘忍弘忍

與道信並住廬山雙峰寺十年廬山道俗請度江北黃梅縣見雙峰寺有好泉

石即住入山三十餘年廬山弘忍七歲至雙峰信寓付法衣實東山法

門六祖得法于東山創維繫于法性寺移住寶林寺刺史韋據命出大梵寺

苦辭入雙峰曹侯溪寶林傳云能大師傳法衣處在曹溪寶林寺寶林後枕

雙峰咸淳中魏武帝玄孫曹叔良住雙峰山寶林寺左人呼為雙峰曹侯溪

儀鳳二年叔良患地于大師自開元以來時人乃號六祖為雙峰和尚今抄

信忍二祖並住雙峰寺寺號東山故稱東山法門六祖還嶺南自云於菩提

樹下開東山法門昔人云天台之佛龍興禪之凍洲故所至可以稱東山

也然據寶林志及寧公僧傳則曹侯亦有雙峰之號今曹溪志闕此名者益

失考耳詩云身許雙峰寺應指斯之雙峰趙七祖禪蓋曰禪門自南能北

般宿四祖寺詩十林樹下雙峰寺亦其證也

七祖禪秀兩宗分列二宗弟子各立其師為第六祖而北宗遂尊秀之弟子普寂立為第七祖李華大德

雲禪師碑云自菩提達摩降及大德禪師七葉相承謂之七祖中岳趙禪師

記云摩訶七葉至大照禪師王緒大證禪師碑敘達摩歷傳至大通大通傳
大照相傳如嫡密付法印大通即秀大照即寂也獨孤又三祖碑云能公退
老子曹溪其嗣無鬻秀公傳晉寂門徒萬人升堂者六十三是時曹溪頓門
孤行嶺南秀公師弟兩京法主三帝門師帝王分座后妃臨席兩宗喧寂門
宇天淵至之文可謂實錄矣開元末荷澤會公直入東都面抗北祖致昔
寂之門盈而復虛天寶收復設壇度以助軍須能祖宗風於斯大振王維撰
六祖能禪師碑云弟子曰神會遇師於晚景問道於長年雖末後供樂最上
乘會自叙六祖宗脉房琯作六葉圖序而後震旦六祖之傳始定公與右丞
房相皆歸心於曹溪不許北宗門人躋秀而祇能者也故其詩曰身許雙峰
寺門求七祖禪既曰身許雙峰知其不許度門矣七祖之禪門系之以求則
知李華諸人所叙大照七葉者固未可冠定為宗子矣張燕公南北兩事者也
撰大通碑極嘆深廣而六祖之號闕如豈非南海一瓣香故有深寄與房叙
六葉公采七祖金湯護法之深旨固可以參考也然上元遷捨之後真宗般
若宗風茂著水南弟子豈無援祖功宗德之議刊正祖門之統系者公其或
以大鑒既沒佛衣不傳不應循北宗之例建立七祖滋宗門之諍論聊以門
求七祖示置衣之徵者與貞元十二年楷定禪門宗旨勅立荷澤為七祖劉
禹錫送宗密上人歸草堂云自從七祖傳心印不要三乘入便門虞集叙曹
溪後系亦定以荷澤為首如洪覺範輩執知見料揀或非通人之所與也不
能繁叙聊舉頭陀姓字英賢錄王中字簡樸為頭陀寺碑文詞巧麗為
要以訥識者

贈李八

一作公

秘書別二十韻

往時中補右扈蹕上元初反氣凌行在妖星下直廬

六龍瞻漢闕一作嚴萬騎略一作集姚墟一作姚墟玄朔廻一作還天步神

都憶帝車一戎纔汗馬百姓免為魚通籍蟠螭印差

肩列鳳輿事殊迎代邸喜異賞朱虛寇盜方歸順乾

坤欲晏如不才同補袞奉詔許牽裾鴛鴦叨雲閣麒

麟滯玉除一作石渠文園多病後中散舊交疎飄泊哀相見

平生意有餘風煙巫峽遠臺榭楚宮虛一作除觸目非論

故新文尚起子清秋凋碧柳別浦落紅蕖消息多旗

幟經過歎里閭戰連唇齒國軍急羽毛書幕府籌頻

問山陽公初屈幕府舉山家藥正鋤秘書比國台星入朝

謁使節有吹噓西蜀災長弭南翁憤始攄對敷抗一作坑

士卒乾沒費倉儲勢藉兵須用功無禮忽諸御鞍金
騾裊宮硯玉蟾蜍拜舞銀鈎落恩波錦帕舒此作行非
不濟良友昔相於去旆作依顏色公流想疾徐沉綿
疲井曰倚薄似樵漁去米煩佳客鈔詩聽小胥杜
陵斜晚照滴水帶寒於莫話清溪髮蕭蕭白映梳

中補右

公於肅宗初拜左拾遺所謂中補右者必李秘書於是時官右補闕也中者右補闕屬中書省也上元初謂上之元初非若寄

題草堂詩經

姚墟

後漢郡國志漢中郡城固姚墟在西北前書曰在西城

營上元始也

姚墟

帝王世紀云安康謂之姚墟或謂之姚墟此指明皇幸

蜀先至漢

朱虛

漢文帝即位先封太尉朱虛侯等而後封宋昌肅宗行賞

中書也

抗士卒

吳曾漫錄上林賦抗挫也吾官切言李方人對宜論蜀

微詞也

抗士卒

中師老財匱也又王褒四子講德論曰驚遷抗士屢犯

舊策案上林賦揚翠葉机紫莖張揖云机動也音元五臣作杭音

元翰曰杭瘞也講德論抗士亦同吳曾蓋取五臣音以釋此詩耳

井曰

謝靈運詩拙

傳見女常

倚薄

謝靈運詩拙疾相倚薄

此詩見於世
云云為詩
之別也

寄劉峽州伯華使君四十韻

唐之祀奉公祖

峽內多雲雨。秋來尚鬱蒸。遠山一作天朝白帝。深水一作山謁

夔陵。遲暮嗟為客。西南喜得朋。哀猿更一作旁起坐。落鴈

失飛騰。伏枕思瓊樹。臨軒對玉繩。青松寒不落。碧海

潤逾澄。昔歲文為理。羣公價盡增。家聲同令聞。時論

以儒稱。太后一作臨當朝。肅多才。接迹昇翠虛。捐題題丹

極上。鵬鵬一作清引春壺。滿一作清恩分夏簞。冰彫章五色。筆

紫殿九華燈。學並盧王敏。書偕褚薛能。老兄真不墜。

小子獨無承。近有風流作。聊從月繼一作峽徵。放蹄知

赤驥。振翅服蒼鷹。卷軸來何晚。襟懷庶可憑。會期吟

諷數。益破旅愁凝。雕刻初誰料。一作解纖毫欲自矜。神融

跡飛動戰勝洗侵凌。妙取筌蹄棄高宜。百萬層白頭。

遺恨在青竹。幾人登迴首。追談笑勞歌。踟躕寢興年華。

紛已矣。世故莽相仍。刺史諸侯貴。郎官列宿應。潘生

驂閣遠。一作潘安雲閣遠黃霸璽書增乳贊。謝太切有力也號攀石饑飈訴。

落藤藥囊親道士。灰劫問園僧。憑久烏皮拆。一作綻簪稀

白。一作身帽稜林居看蟻穴。野食行。去聲一作幸又作侍魚醫筋力交。

彫喪飄零免戰兢。一作昔爲百里宰。正似六安丞。姹女

縈新裏。丹砂冷舊秤。但求椿壽永。莫慮杞天崩。鍊骨

調情性。張兵撓棘矜。養生終自惜。伐數。一作振必全懲政。

術甘疎誕詞場。媿服膺展懷詩。誦魯割愛酒如澠。一作春

注云平生所好消渴止之咄咄寧書字。冥冥欲避矰。江湖多白鳥。天地

有青蠅

夔陵

寰宇記峽州春秋戰國時並為楚地故曰荆門虎牙即楚之西塞白起攻楚燒燹夔陵即其地荆渚記云夔陵郡居大江之上西通全蜀

夔陵有安蜀古城在焉

家聲

劉允濟博學善屬文與王勃早齊名垂拱四年奏上明堂賦則天甚嘉歎之手制褒美拜著作郎詩云學並虞

王敏又與膳部同事天后知為允濟無疑

捐題題

東京賦捐題題辭猶在注捐擊也

駢閣

秋興賦序以木尉僚兼虎貴中

郎將寓直于散騎之省高閣連雲陽景罕曜

六安丞

後漢桓譚出為六安郡丞意忽忽不樂譚以數言事忤旨貶謫公以救房瑄出

為華州司功故曰皆為百里宰正似六安丞也劉蓋與公同謫者不知其名

姪女

參同契河上姪女靈而能神漢真人丹訣姪女隱在丹房

中注姪女即承也

夔府書懷四十韻

此詩在夔府書懷四十韻中

昔罷河西尉初興薊北師不才名位晚敢恨省郎遲

扈聖空峒日端居滌瀕時萍流仍汲引樗散尚恩慈

遂阻雲臺宿

一作雲臺伯

常懷湛露詩翠華森遠矣白首颯

淒其拙被林泉滯生逢酒賦欺文園終寂寞漢閣自
磷緇病隔君臣議一作識慚紆德澤私揚鑣驚主辱拔劔
撥年衰社稷經綸地風雲際會期血流紛在眼涕泗
亂交頤四瀆樓船泥中原鼓角悲賊壕連白翟戰瓦
落丹墀先帝嚴靈一作虛寢宗臣切受遺恒山猶突騎遼
海競張旗田父嗟膠漆行人避蒺藜總戎存大體降
將飾卑詞楚貢何年絕堯封舊俗疑長吁翻北寇一
望卷西鹵不必陪玄圃超然待具茨一作休兵鑄農器
講殿闢書帷廟算高難測天憂實在茲形容真潦倒
荅效莫支持使者分王命羣公各典司恐爭均賦歛
不似問瘡痍萬里煩供給孤城最怨思緣林寧小患

雲夢欲難追。卽事須嘗膽。蒼生可察。睂議一作義堂。猶集

鳳正觀。是元龜。處處喧飛檄。家家急競。雖蕭車安不

定。蜀使下何之。釣瀨疎墳籍。耕巖進突基。地蒸餘破

扉。冬暖更纖絺。材遭一作弄哀。登楚麟。傷泣象尼衣。冠迷

適。越藻繪。憶遊睢。賞月延秋桂。傾陽逐露葵。大庭終

反樸。京觀且僵尸。高枕虛眠晝。哀歌欲和誰。南宮載

勳業。凡百慎交綬。

雲臺後漢蔡邕爲郎書獨直臺上無被受遺肅宗崩李膺國親嗣后及

門與宰相相見。始行監國之令。代宗卽位。尊輔國爲尚父。宗臣切受遺指。輔

國也。肅宗以丁卯日崩。戊辰始發喪。於兩儀殿宣遺詔。故曰先帝嚴靈寢。皆

紀實也。膠漆吳若本注。用藥甲事。吳曾漫錄。謂漳關藥甲也。東萊疾蔡謂代宗初

在市疾。蔡於地而行人避之。總戎東萊注。總戎代西夷謂代宗初書帷此蕃之禍

東方朔傳文新集 **雲夢** 代宗即位復授來興襄州節度使令裴良嗣之拔

上書襄陽以爲授 **雲夢** 兵馬所敗城人相謂非以精勇吏僕固懷恩上

書曰公有日來通受明廷不示其罪誡道節度誰不疑懼道謂路追數人

盡皆不王實畏中官議口走受陛下宋表范志誠亦曰公信其目言人則爲

來復不復還矣代宗以詐殺填而 **集鳳** 蜀都賦曰議殿爵堂祭邑劉新其

藩鎮皆以此所謂其要欲殺追也 **集鳳** 有疑事公卿官會議若臺閣有

明正處而獨執異意者曰駁議駁讓曰某官某甲議 **元龜** 東萊注言欲求治

以爲如是下官臣愚願議其非駁議不言議典 **元龜** 當以正觀爲元龜

也 **蕭車** 蕭育傳蕭車山多盜賊年育爲南郡太守上以 **豺遣** 上集詩

無承持虎方遊息登 **遊雅** 文選遊雅者學流續之錄陳留風俗傳云襄

楚指繁作登樓也 **遊雅** 昆縣南有雅水漢水雅源之水出文章故有翻

觀薄錦日月華蓋以 **南宮** 後漢書永平中顯宗追感前世功 **交綏** 左傳

奉天子宗廟御服焉 **南宮** 正乃圖畫二十八將於南宮雲臺 **交綏** 注古

解悶十二首

草閣柴扉星散居浪翻江黑雨飛初山禽引子哺紅

果溪友一作得錢留白魚

商山離別下揚州憶上西一作陵故驛樓為問淮南米

貴賤老夫乘興欲東流一作

西陵水經注浙江又逕固陵城北今之西陵也有西陵湖亦謂之西城湖

會稽志云西陵城在蕭山縣西十二里謝惠連有西陵阻風獻康樂詩吳越改曰西興東坡詩為傳鐘鼓到西興是也浙江通志西陵城吳越改

為西陵驛按白樂天答微之泊西陵驛見寄云烟波盡處一點白應是西陵古驛臺則西陵舊有驛

東游越絕書秦皇東游之會稽水經注會稽山東至吳越始改西興耳

一辭故國十經秋每見秋瓜憶故丘一作今日南一作湖

采薇蕨何人為覓鄭瓜一作州今鄭縣

秋瓜水經注長安第二門本名霸城門民見門邑青又名青門門外舊出佳瓜是以阮籍詩曰昔聞東陵瓜近在青門外南出東頭第一門本

名覆盜門其南有下杜城應劭曰袁州鄭審大曆中為袁州刺史

故杜陵之下聚落也故曰下杜門袁州史瓜州必袁州之譌也

遊城南記濟瀉水涉神禾原西望香積寺下原為瓜州村北瓜州村在申店
瀉水之陰許澤集有和淮南相公重遊瓜洲詩在兩相公杜佑也注瓜州村
與鄭莊相近鄭莊處郊居也審為處之維其
居必在瓜州村所謂每見秋瓜憶故丘也

沈范早知何水部曹劉不待薛郎中獨當省署開文

苑兼泛滄浪學釣翁

水部郎中薛據

沈范

何遜傳范雲見其對策大相稱賞因結忘年交好一文一咏雲輒嗟賞沈約亦愛其文嘗謂遜曰吾每讀卿詩一日三復猶不能已李義

山詩霧夕咏芙蓉藥何郎得意初此時誰最賞沈范兩尚書

薛據

唐會要天寶六年風雅古調科薛據及第薛文薛公達墓誌據為尚書水部郎

中郎給事中後山云省署開文苑滄浪學釣翁據之詩也

李陵蘇武是吾師孟子論文更不疑

二五第二句作葛

飯未曾

留俗客數篇今見古人詩

校書郎雲卿

復憶襄陽孟浩然清詩句句盡堪傳即今耆舊無新

語漫釣槎頭縮頸

一作編

鰕魚

義陽耆舊傳峴山下漢水中出鰕魚味極肥而美襄陽人採捕遂以槎斷水因謂之槎頭縮項鰕魚為水族上味至若然詩試垂竹竿釣

果得槎頭鰕是也

陶冶性靈在

一作存

底物新詩改罷自長吟孰知二謝將

能事頗學

一作覺

陰何苦用心

陶冶

邵氏聞見錄少陵陶冶性靈存底物本於源之推至於陶冶性情從容諷諫入其滋味亦樂事也

不見高人王右丞藍田丘壑漫

陵作

寒藤最傳秀句寰

區滿未絕風流相國能

右丞弟今相國緒

藍田

唐國史補上維好釋氏故字摩詰立性高致得宋之間惻川別業山水勝絕今清源寺是也

相國

金壺記唐王維字摩詰弟

維字夏卿二公名望首冠一時時議云論詩則王維佳顯論筆則王維李邕祖說張說不得與焉盧氏雜記王維好與人作碑銘有送潤毫者謾叩其兄

門維曰大作

家在那邊

先帝貴妃今

陳作

寂寞荔枝還復入長安炎方每續朱

櫻廚玉座應悲白露團

荔枝

唐書帝幸臨山貴妃生日命小部張樂長生殿因奏新曲未有名會

所生尤勝都者故每歲飛馳以進然方暑而熟經宿輒敗樂史外傳十四載六月一日貴妃生日于長生殿奏新曲會南海進荔枝因以曲名荔枝香十五載六月十一幸巴蜀貴妃從至馬嵬縊于佛堂前之梨樹下縊絕而南方進荔枝至上都之長號數息使力士曰與我祭之按諸書皆云南海進荔枝祭君謨荔枝譜云貴妃嗜涪州荔枝獻命驛使東坡亦云天寶歲貢取之涪蓋當時南海與涪州並進也若溪漁隱據此以謂雜賜取之嶺南長安來自巴蜀南海道里遼遠所記必誤書生寒儉之語可發一笑耳方輿紀勝妃子園在涪州之西去城十五里當時以馬遞馳載七日七夜至京人馬斃于路者甚衆

笑曰此詩爲蜀貢荔枝而作謂仙遊久閱時薦未改自傷疏落不獲與笑方花果共薦寢園不勝園陵白露清秋草木之悲也題云解悶者觀朱櫻之續獻嘉宗廟之再安收京詩云歸及薦櫻桃卽此意也次下三首驟括張曲江荔枝賦而作曲江謂南海荔枝百果之中無一可此以其產於殊方京華莫之知問未之信左思賦與龍眼齊名而魏文帝引蒲桃龍眼相比是時二方不通傳聞之大謬也故其賦序曰物以不知爲輕味以無比而疑遠不可驗終然永屈士之與彼何以異也今詩讀戎一首言物之以不知而輕也賦曰亭十里兮莫致門九重兮曷通山五嶠兮白雲江千里兮青楓此非所謂青

楓隱映石逶迤乎賦又曰何斯美之獨遠嗟爾命之不逢每被鐫於凡口罕獲知於貴躬非所謂京華應見無顏色紅顚酸甜只自知乎翠瓜一首言味之以無比而疑也賦曰受精氣於離震爻負陽以從宜蒙休和之所播涉寒暑而既為盛氣含滋備四時之氣非瓜李夏祭梨荷寒成之可擬也賦又曰沉美李而莫取浮甘瓜而自退柿何稱乎梁侯梨何幸乎張公諸果雖枝蔓相同而荔支以遠方獨與固將欲神醴露不數甘橘而無此見疑牽連凡果不唯妄擬蒲萄抑且下同瓜李此可為嘆息也側生一首言遠不可驗終然永屈也賦曰卧下澤之沮洳惡層屋之險巇彼前志之或妄何側生之見處詩曰側生野岸及江蒲不熟世宮滿玉帶傷其作酸南裔不生禁近鹽盤根掘本有異乎叩竹齒桂而反被側生之謂如曲江所云也物之受屈如此雲經年衣老死貽背曾不如殊方花果猶得奔騰傳置以博翠眉之一笑士之無驗而永屈始有其焉公於曲江之賦倪御竊嘆而終歸於釋悶者良有以也古人雖漫興小詩比物託諭必有從來注家不知大意鉤索字句往往齟齬不通聊書其概如此

憶過瀘戎摘荔枝青楓隱映石逶迤京中舊見無顏色

陳作京華應見無顏色

紅顚酸甜只自知

瀘戎

方輿紀勝自瀘州城北於江而下七八里有杜鰲荔枝品格與他園爭勝又有利民園距州城上流三十里荔枝連日品格最多蜀中荔枝

枝瀘淑之品為上涪州次之合州又次之涪州以妃子傳名其實不如瀘淑

無顏色

白樂天荔枝圖叙云若本枝一日而色變二日而香

變三日而味變四五日外色香味盡去矣唐書云母歲飛騰以進方書而熟經宿輒敗

紅顆酸甜

曲江云彼聚味之有五此甘酸

之不一樂天叙六花如橘春榮實如丹夏熟漿滋甘如醴略皆言其甘也蔡君謨云今之廣南州郡與夔梓間所出大率早熟肌肉薄而味日發子美所食者夔梓間荔枝也故有紅顆酸甜之語

翠瓜碧李沉玉甃赤梨蒲萄寒露成可憐先不異枝蔓此物娟娟長遠生

曲江賦云直欲神於體露何比較於甘橘暖蒲萄以足擬亦古人之深失甘橘蒲萄猶不堪此擬况張梨木李之凡果乎公詩申明此意謂諸果不異枝蔓而荔枝以遠生獨別其暖澁之狀甘滋之味不達於京華使人以凡果相題目士之孤遠違世不能自拔於流俗正此類也梅解云言荔枝與上四果枝蔓無異特以生於遠方世遂貴之耳為此言者其將美荔枝等於凡果乎抑亦抑而下之以為不應貴於凡果乎文義遂反至此極矣

側生野岸及江蒲一作浦不熟丹宮滿玉壺雲轂布衣駘背死勞生重一作人害馬翠眉須

左太冲賦云邛竹篠嶺困挂臨厓旁挺龍目側生荔枝曲江賦全反其語故曰雲煙沃若孔羣於斯窻根所盤不高不卑彼前志之或妄何側生之見疵

此詩云側生野岸及江蒲正曲江所謂側生見疵也左氏曰董澤之蒲可勝
既乎澤之產蒲明矣而趙注以註為蒲或又引劉熙釋名以葦為蒲皆曲解
可笑也

復愁十二首

人煙生處僻

一作處

虎跡過新蹄

一作鶴又作雞音作雉

野鵲翻窺草村

船逆上溪

釣艇收緝盡昏鴉

一作鵲

接翅歸

吳作歸

月生初學扇雲細不

成衣

月生

李義府詩鎮月為歌弱裁雲作舞水

萬國尚防寇故園今若何昔歸相識少早已戰場多

身覺省郎在家須農事歸年深荒草逕老恐失柴扉

金絲鏤

一作鏤

箭鏃阜尾製

一作製

旗竿一

自風塵起猶嗟行

路難

何曾盛干戈不肯休聞聞聽小子談話一作覓卦

正觀銅牙弩開元錦獸張花門小前一作好此物棄沙

弩張南越志龍川有營謂常有銅牙弩流出木皆以銀黃雕鏤取之者久而後得父老云越王弩營也漢書材官獸張如淳曰能崩强弩張之

今日翔麟馬先宜駕鼓車無勞問河北諸將覺一作角

翔麟唐會要貞觀中骨利幹獻良馬百疋其中十疋尤駿太宗奇之各為製名名曰十駿九曰翔麟紫

任轉江淮粟休添苑囿兵由來貔虎士不滿鳳皇城

江淮

鶴曰唐自大寶之後與地半為盜區所賴江湖之地不失猶得藉以為國故史有唐得江淮財濟中興之語

江上亦秋色火雲終不移巫山猶錦樹南國且黃鸝
每恨陶彭澤無錢對菊花如今九日至自覺酒須賒
病減詩仍拙吟多意有餘莫看江摠老猶被賞時魚

賞魚

合要蘇氏記曰開元八年中書令張嘉正奏曰致仕官及內外官五品以上檢校試判及內供奉官見占闕者聽準正員例許終身佩魚

以為榮寵以理去任亦許佩魚自後恩制賞緋紫例兼魚袋謂之章服

承聞河北諸道節度入朝歡喜口號絕句十二

首

祿山作逆降天誅更有思明亦已無
洵洵人寰猶不定時時鬪戰欲何須

箋曰河北諸將歸順之後朝廷多故招聚安史餘黨名擁勁卒數萬治兵完城自署文武將吏不供貢賦結為昏姻互相表裏朝廷專事姑息不能復制

雖名藩臣屬廢而已故聞其入朝喜而作詩自序緣由以平賊等語之以周
宣漢武勳勉之以爲孝子忠臣而末二章則舉臨淮汾陽以爲表鏡其立意
深遠如此題曰歡喜口
號實惘乎有餘悲矣

社稷蒼生計必安
蠻□雜種錯相干
周宣漢武今王
是孝子忠臣後代看

雜種

舊齊安祿山營州柳城雜種□人也本無姓氏名乳拳
山史思明本名宰干營州寧□州突厥雜種□人也

喧喧道路多歌

一作
好

謠河北將軍盡入朝

一作
晉作

始是乾坤

王室正却交

一作
教

江漢客魂銷

大曆二年正月淮南節度使李忠臣入朝三月汴宋節
度使田神功來朝八月鳳翔等道節度使李抱玉入朝

不

一作
北

道諸公無表來茫然

一作
莊

庶事遣

一作
使

人猜擁兵相

學干戈銳使者徒勞百萬迴

鳴玉鏘金盡正臣
修文偃武不無人
興王會靜妖氛

氣聖壽宜過一萬春

英雄見事若通神聖哲爲心小一身燕趙休矜出佳麗宮闈不擬選才人

天興聖節諸道節度使獻金帛服用珍玩駿馬爲壽共直緒錢二十四萬當奏上言請却之不聽此詩稱頌聖哲實則諷諭代宗當却諸道之進奉也

抱病江天白首郎空山樓閣暮春光衣冠是日朝天草奏何時入帝鄉

瀟漫山東一百州削成如桼抱青丘苞茅重入歸關內王祭還供盡海頭

山東

十道志有河北無山東唐制長安自太行以東皆山東也

削成

山海經太華之山削成而四方郭曰今山形上大下小峭峻也頗延年詩

踐華因削成

青丘

寰宇記青丘在青州千乘縣齊景公有馬千駟敗于青丘此是也

東逾遼水北溟海星象風雲喜一作氣共和紫氣關臨天

地澗黃金臺貯俊賢多

遼水

水經大遼水出塞外衛白平山東南入塞迤遼東幾平縣所又古
苑前句麗縣有遼山小遼水所出西南至遼陰縣入大遼水也

渾海

寒字記源流河源出代州繁峙縣東南孤阜山後漢書注在今代州繁
峙縣東流經定州深澤縣東南即光武所度處今俗謂之危渡口

金臺

袁宇記金臺在易州易縣東南三十里燕昭王所造置千金于上以招賢士
又有西金臺俗呼此為東金臺又有小金臺在縣東南十五里即郭隗臺也

王隱晉書曰段匹碑進屯故安縣故燕太子丹金臺二說不同水經注故安
城側一水東出金臺渡陂北十餘步有金臺臺上東西八十許步南北加減

高十餘丈昭王不欲令諸侯之客伺隙燕邦故修建下都館之南
垂燕昭劍之十前子丹踵之於後故離城館尚傳劍刻之名

漁陽突騎邯鄲兒酒酣並轡金鞭垂意氣即歸雙關

舞雄豪復遣五陵知

五陵

西都賦南望杜霸北眺五
陵漢後之域發見所興

李相將軍擁薊門白頭雖老一作惟有赤心存竟能盡說諸

侯人知有從來天子尊

舊書光祿勳騎入徐州田神功遠歸河南尚衡殷仲卿來瑱皆憚其威名相繼赴關及其懼魚朝恩之害不敢入朝人疑其有異志因此不得志愧臨成疾而裴公則以諸將入朝歸功臨淮以白頭赤心許之八哀詩云直筆在史臣將來洗箱篋此公之直筆也中興戰功首推郭李並受朝恩元振讓郭李郭並誦良有深意史臣目論多所軒輊不亦陋乎

十二年來多戰場天威已息陣堂堂神靈漢代中興主功業汾陽異姓王亂由安史功歸郭李郭李之功不可少也

喜聞盜賊蕃寇摠退口號五首

蕭關隴水入官軍青海黃河卷塞雲北極一作轉愁轉愁一作龍虎氣西戎休縱因困羣

舊唐書史大曆二年九月吐蕃寇靈州進寇邠州十月靈州奏破吐蕃二萬通鑑十月路嗣恭破吐蕃于靈州城下唐志蕭關在武州與靈州相近

贊普多教使人秦數通和好止晉作煙塵朝廷忽用哥舒將殺伐虛悲公主親

開元十九年金城公主薨吐蕃遣使告哀仍請和上不許十二月吐蕃使
石堡城蓋嘉運不能守玄宗憤之大寶七載以哥舒翰為隴右節度使攻而

之拔

拔

崆峒西極一作北過崑崙馳馬由來擁國門逆氣數年吹

路斷蕃人聞道漸星奔

勃律天西采玉河堅昆碧怨最來多舊隨漢使千堆

寶少荅回

一作

王萬匹羅

勃律

西陽雜俎天寶初安思順進五色玉帶又于左藏庫中得五色玉杯

上怪近日西費無五色玉今貴安西諸蕃言比常進皆為小勃律
所劫不達上怒欲征之華臣多諫獨李右座林甫贊成上意且云武臣王天
運謀勇可將乃命將四萬人兼統諸蕃兵伐之及逼勃律城下勃律君長恐
難請罪悉出寶玉願歲貢獻天運不許即屠城擄三千人及其珠璣而還勃
律中有術者言將軍無我不祥天將大風雪矣行數百里忽風四起雪花如
飄風吹小海水成冰往之而復摧經半日小海漲湧四萬人一時凍死惟蕃
漢各一人得還具奏玄宗大驚異即令中使隨二人驗之至小海側水猶峙
壁如山隔水見兵士死立者坐者榮徽可數中使將反水忽消釋眾屍亦不
復見新書大勃律直叶番與小勃律接小勃律去京師九千里而羸距吐

番贊普牙玉河五代史子闕國南三千百里曰玉州云張審所窮河東八百里

為三東曰白玉河西曰綠玉河又西曰烏玉河三河皆有堅昆寰宇記魏

荒之國也本名結骨又名石易又謂之堅昆西陽雜俎堅昆部落其上有神與特牛交而生其人吳黃目綠亦能醫其最異者農耕李陵及其兵

眾之亂也

箋曰按樊師西域記云瞻部洲地有四主焉南象主西寶主北馬主東人主

象主印度國也人主中夏國也馬主安厥國也寶主國也漢通三十六國

亦云西至波斯吐蕃堅昆所謂四主者前古未聞也公此詩云勃律天西乘

玉河摩昆碧盤嚴來多與東方寶主之記最為符合宜律師云雪山之西至

于西海各寶主今云勃律天西則為雪山之西可知又云地接西海偏悅異

珍而無禮重貨是為國今云王非國而何報答之禮以萬丈羅為重

非輕禮重貨而何寶主之謂風土備寫於兩行之中考方志者可以無理

今春喜氣滿乾坤南北東西拱至尊大曆二年鶴本三年調

玉燭玄元皇帝聖雲孫

洞房

洞房環珮冷玉殿起秋風秦地應新月龍池一作清宮繫舟今夜遠清漏往時同萬里黃山北園陵白露

中

龍池

唐樂志龍池樂玄宗所作也玄宗龍潛之時宅在隆慶坊宅南坊人所居變為池望氣者亦異焉玄宗正位以坊為宮池水逾大游漫數

里為此樂以致其祥也南部新書興慶宮九龍池在大同殿古基之南西對瀛州門周環數頃水極深廣北望之渺然東西微狹中有龍潭泉源不竭雖歷冬夏未嘗耗減黃山寰宇記漢黃山宮在興平縣西南三十里武帝西行至黃山宮即此也晉灼曰黃山宮名在槐里按漢武帝茂陵在

興平縣東北十七里正黃山宮之北蓋借茂陵以喻玄宗泰陵也

宿昔

宿昔青門裏蓬萊不仗數移花嬌迎雜樹龍喜出平池

知落日一作月留王母微風倚少兒宮中行樂秘少有外人

花嬌

李翰林別集序開元中禁中初重木芍藥得四本紅紫淺紅通白者上因移植于興慶池東沉香亭前會花方繁開上乘照夜車太真妃

以步輦從開元天寶花水記云禁中呼木芍藥為牡丹

龍喜

明皇十七事天寶中興慶池小龍宮出游宮垣南溝水中蜿蜒奇狀靡不瞻觀

樂與西幸龍一夕乘雲雨自池中望西南而去

王母

漢武內傳於是王母言語粗畢囑令靈官使駕龍嚴車欲去帝下席叩頭請留殷勤乃止

少兒

衛青傳衛姬長女君孺次女少兒次女則子夫少兒先與霍仲孺通生去病及衛皇后尊少兒更為陳掌妻蓋以子夫之姊賢貴妃之妹

也

行樂

周仁傳得幸人卧內於後宮秘戲仁常在旁

能畫

能畫毛延壽投壺郭舍人每蒙天一笑復似一作物皆

初作

春政化平如水皇恩

一作明

斷若神時時用抵戲亦未

雜風塵

能盡

西京雜記畫工有杜陵毛延壽寫人好醜老少必得其真安陵陳敞新豐劉白雲竟並工牛馬人形同日棄市

投

武帝時郭舍人善投壺以竹為矢不用棘也古之投壺取中而不求竟也其小豆惡其矢躍而出也郭舍人則散矢令還一矢百餘反謂之為曉言郭舍人之擊吳於掌中為曉傑也每為武帝投壺輒賜金帛

天笑

神異經東荒山中有大石室東王公居焉與一玉女投壺設有入不出者天為之笑

張華曰笑者開口流光

抵戲

文選曰角抵蓋雜技樂也

鬪鷄

鬪鷄

初賜錦

舞馬

一作

登牀

簾下

宮人出

樓前御柳

一作

長仙遊終

一闕

女樂久無香

寂寞驪山道

清秋草

木黃

鬪鷄

東坡父老傳明皇以乙酉生而喜鬪鷄是兆亂之象也時賈昌為五百小兒長天子甚愛幸之金銀之賜日至其家

舞馬

明

雜錄上每賜宴醺則御勸政樓教坊為角觥戲鬪難官人數百飭以珠翠衣以錦綉自幃中擊雷鼓為破陣樂又令教舞馬四蹄各為左右分為部目為某家寵其家驕時塞外以善馬來貢者上俾之教習無不曲盡其妙因令衣以文綉絡以金鈴飾其鬣間雜以珠玉其曲傾盃樂者數十回奮首鼓尾縱

橫應節又施三層板牀舞馬于上作轉如飛武命壯士舉榭馬舞于棚上樂工數十人立於前後左右者衣黃衫文玉帶必求年少而姿白美秀者安海山亂馬散落人間田承嗣得之一日軍中大舉馬聞樂而舞承嗣以為妖而殺之望夜御勤政樓觀燈作樂貴臣戚里借看樓觀望夜闌太常樂府懸散樂畢即遣宮女於樓前縛架出壯歌舞以娛之
驪山 南部新華清宮毀廢已久今所存唯綠垣耳天寶所植松柏遍滿岩各雖經兵寇而不被所伐朝元閣在山嶺之上最為嶄絕柱礎尚有存者山腹即長生殿殿東西盤石道自山麓而上道側有飲酒亭于明皇吹笛樓宮人走馬樓故基猶存綠垣之內容齋三筆先忠宣公在北方得唐人畫驪山宮殿圖華清宮居山巔殿外垂簾宮人無數穴簾隙而窺一時伶官劇戲品類雜沓皆列於下杜一詩真所謂親見之也

鸚鵡

鸚鵡含愁思聰明憶別離翠衿渾短盡紅背漫多知未有開籠日空殘舊宿枝世人憐復損何用羽毛奇

鸚鵡

補衡賦性辯慧而能言今才聰明以識機紐吐丹黃綠衣翠衿閉以迅其焉如明皇雜錄開元中嶺南獻白鸚鵡養之宮中歲久頗縱聰慧洞曉言詞上及貴妃皆呼雪衣娘藏於殿檻有鷹搏之而驚遂瘞於苑中

呼爲觀感此詩
亦咏開元舊事也

歷歷

歷歷開元事分明在眼前無端盜賊起忽已歲時遷
巫峽西江外秦城北斗邊爲郎從白首臥病數秋天

洛陽

洛陽昔陷沒國馬犯潼關天子初愁思都人慘別顏
清笳去宮闕翠蓋出關山故老仍流涕龍髯幸再攀

愁思

明皇十七年緡口犯關上欲遷幸登興慶宮花萼樓置酒四顧悽愴
使美人善歌者一人歌水調畢奏上將去復留春春因使視樓下有

少年善水調歌頭者使之登樓且歌上聞之潸然出涕顧侍
者曰誰爲此詞曰李嶠上曰李嶠真才子也不待曲終而去
庶舞拊路側曰不
圖今日再見二聖

驪山

驪山絕望幸花萼罷登臨地下無朝燭人間有賜金

鼎湖龍去遠銀海鴈飛深萬歲蓬萊日長懸舊羽林

花萼

鄭縻傳信記上於東都起五王宅於上都置花萼樓蓋與諸王為會集宴樂之地土與諸王靡日不會聚杜云花萼罷登臨蓋是時明皇

已殿

朝燭

水經注始皇冢以人魚膏為燈燭度其不滅者久之

賜金

北史隋獻皇后山陵後帝賜楊素金鉞一實以金銀鉞一

實以

銀海

劉向傳秦始皇葬於驪山之阿下銅三泉上崇山墳石都為游館人膏為燈燭水銀為江海黃金為鳥鴈國志曰始皇陵有銀

蠶金鴈以多奇物故俗云秦皇地市吳越春秋閻廔葬於虎丘傾水銀為池黃金珠玉為鳥鴈何遜經孫氏陵詩銀海終無浪金鳧會不飛

羽

林

玄宗用萬騎軍平章庶人之難以登大位萬騎本隸左右羽林後改為龍武軍與左右羽林為北四門軍

提封

提封漢天下萬國尚同心借問懸車

一作軍

守何如儉德

臨時徵俊又入草竊

一作其處

凶凶侵願戒兵猶火恩加四

海深

國學紀陶明皇以後後亂
故少陵以儉爲救時之政

覆舟二首

巫峽盤渦曉黔陽貢物秋丹砂同隕石翠羽共沉舟
羈使空斜影龍居一作官閼積流篙工幸不溺俄頃逐輕
鷗

沉舟 張儀傳積羽沉舟

竹宮時望拜桂館或求仙姹女凌波日神光照夜年
徒聞斬蛟劍無復爨犀船使者隨秋色迢迢獨上天

竹宮 漢武故事祭太乙令人登通天臺以候天神天神既下祭所若大流星乃舉烽火而就竹宮望拜 桂館 郊祀志公孫卿曰仙人好樓居於是長安作飛廉桂

館使卿持節設具而候神人 姹女 桓帝時童謠河間姹女工數錢

垂白 二云白首

垂白自云馮唐老。清秋宋玉悲。江喧長少睡。樓迴獨移時。多難身何補。無家病不辭。甘從千日醉。未許七哀詩。

草閣

是臨江草閣。杜甫句云。草閣連江。草閣連江。草閣連江。

草閣臨無地。柴扉永不關。魚龍迴夜水。星月動秋山。久一作露清一作初濕。高雲薄未還。汎舟慚小婦。飄泊損紅顏。

紅顏

無地

頭陀寺碑。飛閣逶迤下臨。無地王原叔本作。無地非。

江月

江月光於一作水。高樓思殺人。天邊長作客。老去一霑巾。玉露團清影。銀河沒半輪。誰家挑錦字。滅燭一云翠。

肩頰

高樓

吳曾漫錄沈約咏月詩高樓切思婦西園遊上才與行吾望月詩樓上徘徊月隱中悉殺人故杜云高樓思殺人 錦字賦

錦曲今泣已盡

江上

江上日多雨蕭蕭荆楚秋高風下木葉永夜攬貂裘
勦業頻看鏡行藏獨倚樓時危思報主衰謝不能休
中夜

中夜江山靜危樓望北辰長爲萬里客有媿百年身
故國風雲氣高堂戰伐塵圖鷁負恩澤嗟爾太平人

夢弼曰故國謂長安也高堂謂杜陵屋廡也口鷁指摩山也

江漢

三山遠兮孤字雙起照者從少

江漢思歸客。乾坤一腐儒。
片雲天共遠。永夜月同孤。
落日心猶壯。秋風病欲踈。
一作蘇古來存老馬。不必取長途。

白露

白露團甘子。清晨散馬蹄。
圃開連石樹。船渡入江溪。
憑几看魚樂。廻鞭急一作至鳥棲。
漸知秋實美。幽徑恐多蹊。

孟氏

孟氏好兄弟。養親唯小園。
承顏胝手足。坐客強盤飧。
負米力一作皆作寒一作夕葵外讀書秋。
樹根卜鄰慚近舍。訓子學

誰一作先門

○ 吾宗

衛倉曹崇簡

吾宗老孫子。質朴古人風。耕鑿安時論。衣冠與世同。在家常早起。憂國願年豐。語及君臣際。經書滿腹中。

有歎

壯心久零落。白首寄人間。天下兵常鬪。開蜀賓軍自關西還江東客未還。窮猿號雨雪。老馬怯作望關山。武德開元際。

蒼生豈重攀

冬深

一云即日

花葉隨天意。江溪共石根。早霞隨類一云影。寒水各依

一云痕。易下楊朱淚。難招楚客魂。風濤暮不穩。捨棹宿

誰門

不寐

瞿塘夜水黑。城內改更籌。翳翳月沉霧。輝輝星近樓。
氣衰甘少寐。心弱恨和愁。一作知陳作多壘一作作滿山谷。桃源無處求。

月圓

孤月當樓滿。寒江動夜扉。委波金不定。照席綺逾依。
未缺空山靜。高懸列宿稀。故園松桂發。萬里共清輝。

中宵

三四句虛白二字甚險。須從過動二字得之。

西閣百尋餘。中宵步綺疏。飛星過水白。落月動沙虛。
擇木知幽鳥。潛波想巨魚。親朋滿天地。兵甲少來書。

綺疏

梁冀傳窓牖皆有綺疎青
瑣注綺疎謂鏤爲綺文

遣愁

蒼拙蓬爲戶，茫茫何所開。
江通神女館，地隔望鄉臺。
漸惜容顏老，無由弟妹來。
兵戈與人事，回首一悲哀。

神女館

寰宇記巫山盛弘之荊州記曰沿峽二十里有新崩灘至巫峽
因山爲名也神女廟在峽之岸方輿勝覽在巫山縣西北一百

五十步有

陽雲臺

秋清

高秋蘇病

吳吟

氣白髮自能梳，藥餌憎加減。
門庭悶掃

除杖藜，還客拜愛竹。
遣兒書十月江，平穩輕舟進所如。

傷秋

林僻來人少。山長去鳥微。高秋收盡扇。一云藏羽扇久客掩荆扉。一作柴懶慢頭時櫛。艱難帶減圍。將軍猶汗馬。天子尚戎衣。白蔣風颼脆。殷璽曉夜稀。何年減一作滅豺虎。似有故園歸。

白蔣

蜀都賦攢蔣叢蒲庄蔣菰名也

秋峽

江濤萬古峽。肺氣久衰翁。不寐防巴虎。全生狎楚童。衣裳垂素髮。門巷落丹楓。常怪商山老。兼存翊贊功。

南極

南極青山眾。西江白谷分。古城疎落木。荒戍密寒雲。歲月地常見。風飈虎一作忽聞。近身皆鳥道。殊俗自人

羣睥睨登哀柝。矛弧照夕曛。亂離多醉尉。愁殺李將軍。

搖落

搖落巫山暮。寒江東北流。煙塵多戰鼓。風浪少行舟。鵝費羲之墨。貂餘季子裘。長懷報明主。卧病復高秋。

耳聾

生年鵬冠子。歎世鹿皮翁。眼復幾時暗。耳從前月聾。猿鳴秋淚缺。雀噪晚愁空。黃落驚山樹。呼兒問朔風。

鵬冠

劉向七略鵬冠子常居深山以鵬爲冠故號鵬冠子其嚴倫高士傳鵬冠子或曰楚人隱居幽山未嘗履穿以鵬爲冠其測其名因服成

號著書言道家事馮煖常師事之煖後頭於趙鵬冠子懼其薦已也乃與煖絕

獨坐二首

竟日雨冥冥雙崖洗更青一作清水花寒落岸山鳥暮過庭煖老須燕玉充饑憶楚萍國笳在樓上哀怨不堪聽

燕玉

趙便曰燕玉婦人也古詩燕趙多佳人美者類如玉宋人仍襲多用燕玉實不知其何出韓大韶曰燕玉正用玉田種玉事也按搜神記雍伯葬父母于無終山有人與石一斗令種之玉生其田北平徐氏有女雍伯求之要以白璧一雙伯至玉田求得五雙徐氏妻之在北平城西北百三十里有無終城故燕地也今為玉田縣燕玉事出此無疑

白狗斜臨北黃牛更在東峽雲常照夜江月會兼風
曬藥安垂老應門試小童亦知行不逮苦恨耳多聾

白狗

水經注經曰溪源出歸鄉縣東南數百里西北入縣逕狗峽西峽崖

歸鄉東

三

遠遊

江濶浮高棟。雲長出斷山。塵沙連越嶺。風雨暗荆蠻。
鴈矯銜蘆內。猿啼失木間。弊裘蘇季子。歷國未知還。

銜蘆

淮南子鴈從風飛以愛氣力銜蘆而翔以避弋繳盛弘之荆州記鴈塞東南嶺屬無際唯一處爲下翔鴈達塞矯翼裁度

失木

淮南子猿欲失木而踰於孤狸非其處也

夜

一云秋夜客舍

露下天高。秋水清空。山獨夜。旅魂驚。疎燈自照。孤
帆宿。新月猶懸。雙杵鳴南菊。再逢人。臥病北書不
至。鴈無情。步蟾倚杖看牛斗。銀漢遙應接鳳城。

步蟾

趙佖曰當以步蟾爲正上林賦步蟾周流善曰步蟾步廊也楚詞曰曲屋步櫺注步櫺長砌也櫺古簷字

暮春

臥病擁塞在峽中。瀟湘洞庭虛映空。楚天不斷四時雨。巫峽常吹千里風。沙上草閣柳新闇。城邊野池蓮欲紅。暮春鴛鴦立洲渚。挾子雛飛還一叢。

晴二首

久雨巫山暗。新晴錦繡文。碧知湖外^{一作上}草紅見海東。雲竟日鶯相和。摩霄鶴數羣。野花乾更落。風處悉紛紛。

啼鳥爭引子。鳴鶴不歸林。下食遭泥去。高飛恨久陰。雨聲衝塞盡。日氣射江深。迴首周南客。驅馳魏闕心。

雨

始賀天休雨。還嗟地出雷。驟看浮^{一作平}峽過。密作^{舊作密}渡。

江來牛馬行無色蛟龍鬪不開干戈盛陰氣未必自陽臺

月三首

斷續巫山雨天河此夜新若無青嶂月愁殺白頭人
颺颺移深樹蝦蟇動半輪故園當北斗直指一作想照西秦

併照

一作點

巫山出新窺楚水清羈棲愁見裏

一作裏見

二十

四迴明必驗升沉體如知進退情不違銀漢落亦伴

玉繩橫

萬里瞿塘峽

一作月

春來六上弦時時開暗室故故滿青

天爽合風襟靜高當淚臉懸南飛有烏鵲夜久落江

邊

雨

萬木雲深隱連山雨未開風扉掩不定水鳥過舊作去仍

廻蛟館如鳴杵樵舟豈伐枚清涼破炎毒衰意欲登

臺

晚晴

返作曉照斜初微作微浮雲薄未歸江虹明遠作近飲峽雨

落餘飛鳬鴈鴈作鴈終高去熊羆覺自肥秋分客尚在竹

露夕作夕微微

夜雨

小雨夜復密廻風吹早秋野作夜涼侵閉戶江滿帶維

舟通籍恨限多病爲郎忝薄遊天寒出巫峽醉別仲
宣樓

更題

只應踏初雪騎馬發荊州直怕巫山雨真傷白帝秋
羣公蒼玉珮天子羣雲裘同舍晨趨侍胡爲淹此此留

蒼玉

大典珂三品以上九子四品七子五品
五子珮一昂山玄玉五昂以上水蒼玉

歸

束帶還騎馬東西却渡船林中有地峽外絕無天
虛白高人靜喧卑俗累牽他鄉悅遲暮不敢廢詩篇

返照

前二句見卷六五後四句見卷七

楚王宮北正黃昏。白帝城西過雨痕。返照入江翻石壁。歸雲擁樹失山村。衰年肺病唯高枕。絕塞愁時早閉門。不可久留豺虎亂。南方實有未招魂。

熱三首

雷霆空霹靂。雲雨竟虛無。炎赫衣流汗。低垂氣不蘇。乞爲寒水玉。願作冷秋菰。一作那似兒童歲。風涼出舞

雩

瘴雲終不滅。瀘水復西來。閉戶人高臥。歸林鳥却迴。峽中都似火。江上只空闊。一作開雷想見陰宮雪。風門颯踏

開

瀘水

水經注瀘峰最爲高秀水之左右馬步之徑纔通而時有瘴氣三月四月連之必死非此時猶令人悶吐五月以後行者差得無害蓋州

記曰瀟水兩峰有殺氣暑月
舊不待故武侯以夏渡爲艱

朱李沉不冷彫胡

一作荻

炊屢新將衰骨盡痛被裯

一作裯

味

空頻歎翕炎蒸景飄飄征戍人十年可解甲爲鬻一

露巾

日暮

牛羊下來久各已閉柴門風月自清夜江山非故園

石泉流暗壁草露滴秋根

一作滿秋原

頭白燈明裏何須花

燼繁

八月十五夜月二首

滿目飛明鏡歸心折大刀轉蓬行地遠攀桂仰天高
水路疑霜雪林棲見羽毛此時瞻白兔直欲數秋毫

大刀

樂府解題大刀頭者刀頭有環也何當大刀頭者何日當還也破鏡者月半缺也破鏡飛上天者言月半當還也

稍下巫山峽。猶銜白帝城。氣沉全浦暗。輪仄半樓明。
刁斗皆催曉。蟾蜍且自傾。一作清張弓倚殘魄。不獨漢家營。

十六夜翫月

舊挹金波爽。皆傳玉露秋。關山隨地濶。河漢近人流。
谷口樵歸唱。孤城笛起愁。巴童渾不寢。半夜有行舟。

十七夜對月

秋月仍圓夜。江村獨老身。倦簾還照客。倚杖更隨人。
光射潛虬動。明翻宿鳥頻。茅齋依橘柚。清切露華新。

村雨

雨聲傳兩夜寒事颯高秋筆一作帶看朱紱開筵視鼎
裘世情只益睡盜賊敢忘憂松菊新霑洗茅齋慰遠
遊

雨晴

雨時山不改晴罷峽如新天路看殊俗秋江思殺人
有猿揮淚盡無犬附書頻故國愁眉外長歌欲損神
晚晴吳郎見過北舍

國畦新一作雨潤媿子廢鉏來竹杖交頭拄柴扉隔一作
徑開欲棲羣鳥亂未去小童催明日重陽酒相迎自
醺醅

冥

日下四山陰。山庭嵐氣侵。牛羊歸徑險。鳥雀聚枝深。

正枕當星劍。收書動玉琴。半扉開燭影。欲掩見清砧。

星劍

吳曾漫錄越絕書觀其文如列星之行觀其光如水溢於壙故曰星劍

玉琴

琴賦綴以荆山之玉

雲

龍似

一作自一作以

瞿唐會江依白帝深終年常起峽每夜必

通林收穫辭霜渚分明在夕岑高齋非一處秀氣豁

煩襟

月

四更山吐月殘夜水明樓塵匣元開鏡風簾自上鉤

兔應疑鶴髮蟾亦戀貂裘斟酌姮娥寡天寒奈九秋

西溪叢語塵匣二句乃用沈雲卿月詩臺前疑挂鏡像外自懸鉤

雨四首

微雨不滑道，斷雲疎復行。
紫崖奔處黑，白鳥去邊明。
秋日新霑影，寒江舊落聲。
柴扉臨野碓，半得一作搗香秔。

江雨舊無時，天晴忽散絲。
暮秋霑物冷，今日過雲遲。
上馬迴休出，看鷗坐不辭。
高一作軒當滌瀨，潤色靜書帷。

物色歲將晏，天隅人未歸。
朔風鳴淅淅，寒雨下霏霏。
多病久加飯，衰容新授衣。
時危覺一作瘠喪，故舊短書稀。

楚雨石苔滋，京華消息遲。
山寒青兕叫，江晚白鷗饑。

神女花鈿落蛟人織杆悲繁憂不自整終日灑如絲

夜

絕岸風威動寒房燭影微嶺猿霜外宿江鳥夜深飛
獨坐親雄劍哀歌嘆短衣煙塵繞閭闔白首壯心違

閭闔

水經注魏明帝上法太極于洛陽南宮建太極殿于漢崇德殿之故處改雉門為閭闔門閭闔門外夾建巨闕以應天宿

晨雨

小雨晨光內初來葉上聞霧交纔灑地風逆一作折旋隨
雲暫起柴荆色輕霑鳥獸羣麝香山一半亭午未全
分

反照

三四句一山一水五二句雙頂說下自注

反照開巫峽寒空半有無已低魚復暗也不盡白鹽

孤山也荻岸如秋水松門似畫圖牛羊識僮僕既夕應傳呼

向夕

畎畝孤城外江村亂水中深山催短景喬木易高風
鶴下雲汀一作河近鷄棲草屋同琴書散明燭長夜始堪終

曉望

白帝更聲盡陽臺曙色分高峰寒一作初上日疊嶺宿霾
一作不敗雲地坼江帆隱天清木葉聞荆扉對麋鹿應共爾爲羣

雷

巫峽中宵動滄江十月雷。龍蛇不成蟄。天地劃爭迴。
却碾空山過。深蟠絕壁來。何須妬雲雨。霹靂楚王臺。

雨

冥冥甲子雨。已度立春時。輕箠煩相向。纖絺恐自疑。
煙添纔有色。風引更如絲。直覺巫山暮。兼催宋玉悲。

甲子

年譜通鑑大曆二年正月辛亥朔至十
三日甲子諺云春甲子雨赤地千里

朝二首

清旭楚宮南。霜空萬嶺含。野人時獨往。雲木曉相參。
俊鷗無聲過。饑鳥下食貪。病身終不動。搖落任江潭。

浦帆晨初發。郊扉冷未開。村

一作林

疎黃葉墜野。靜白鷗

來礎潤休全濕。雲晴欲半迴。巫山冬可怪。昨夜有奔

雷

礎潤

淮南子山雲蒸而柱礎潤江淹詩山雲潤柱礎

晚

杖藜尋晚巷

一作巷晚

炙背近墻喧人見幽居僻吾知拙養

尊朝廷問府主耕稼學山村歸翼飛棲定寒燈亦閉

門

夜二首

白夜月休弦燈花半委

一作委年

眠號山無定鹿落樹有驚

蟬暫憶江東鱸兼懷雪下船蠻歌犯星起空

一作重

覺在天邊

天邊

城郭悲笳暮村墟過翼稀甲兵年數久賦歛夜深歸

暗樹依巖落明河繞塞微斗斜人更望月細鵲休飛

杜工部集卷之十五

三原縣孫枝蔚窮人氏

同校

嘗熟縣毛家介季氏